



Posbus 7113, Newtonpark, 6055  
Telefoon (041) 3651233  
h/v Willetstraat en 4de Laan, Newtonpark, 6045  
E-pos: admin@lnpark.co.za /

*'n Blink toekoms begin hier!*

## NUUSBRIEF 19

### 31 Mei 2024

#### UIT DIE KANTOOR

Geagte Ouers

#### **ONDERSTEUNERSHEMDE**

Ons wil al ons ouers aanmoedig om vir u Laerskool Newtonpark-ondersteunershemde aan te skaf. U kan by ons klerewinkel kom aanpas, dan doen ons bestellings.

#### **MNR. EN MEJ. LAERSKOOLOEKLINGE: 12 – 13 JUNIE**

Inskrywings vir Mnr. en Mej. Laerskool Newtonpark is nou oop. Alle leerlinge kan so spoedig moontlik inskryf. Leerlinge neem deel in een van vier kategorieë volgens grade. nl. graad. R, graad 1 - 3, graad 4 – 6 en graad 7. Inskrywingsfooi beloop R50 per leerling. Verdere inligting sal aan deelnemende leerlinge deurgegee word. **Let wel: Daar is geen bespreekte plekke beskikbaar. Kaartjies beloop R50 vir volwassenes en R30 vir laerskoolleerlinge en kan direk by die kantoor aangekoop word.**

#### **SPENSIE-PENSIE GESKENKMANDJIE FONDSINSAMELING : 3 JUNIE**

Ons is stomgeslaan deur die oorweldigende reaksie op die fondsinsameling. U vurige ondersteuning is werklik 'n riem onder die hart en daar is geen twyfel dat dit 'n uiters suksesvolle projek gaan wees nie! Die trekking vind op 3 Junie by die skool plaas en wenners sal telefonies in kennis gestel word.

#### **VAKANSIENASORG: JUNIE/JULIE 2024**

Ons bevestig dat die vakansie-nasorg wel in Junie-vakansie voortgaan.

Die tydperk is:

1. **Dinsdag, 18 Junie 2024 tot Vrydag, 28 Junie 2024 (9 dae). (Skole sluit Vrydag, 14 Junie 2024 en heropen Dinsdag 9 Julie 2024)**
2. U moet asseblief ook onderneem om die nasorgtye nl. 07:15-17:30, stiptelik te eerbiedig.

Die tarief beloop R90 per dag, per kind, en R810 vir 1 kind vir die 9 dae. Die bedrag vir 2 kinders is R1570 vir die 9 dae, en is vir die volle tydperk, vooruitbetaalbaar.

Daar is beperkte spasie. Sperdatum vir aansoeke is Donderdag, 6 Junie 2024.

Indien u nog graag van die vakansienasorg gebruik wil maak, e-pos Mev. Laas by [fin@lnpark.co.za](mailto:fin@lnpark.co.za)

### **FACEBOOK BLAD: SKOOLKLERE**

Die facebook-groep, SKOOLKLERE - Laerskool Newtonpark, bestaan steeds en dit is lekker besig daarop. Maak gerus van die gerief gebruik as u van skoolklere wil ontslae raak wat te klein geword het vir u kinders.

### **TOELATING 2025: GRADE R tot 7 (BESTAANDE OUERS)**

Die personeelvoorsiening van die Laerskool Newtonpark is afhanklik van ons jaarlikse inskrywings. Die skool moet ook jaarliks hierdie statistiek aan die Departement van Onderwys bekend maak.

Ons versoek ons bestaande ouers om ons so spoedig moontlik in kennis te stel indien u 'n kind vir graad R en 1 in 2025 wil inskryf. Ons wil graag ons huidige ouers voorkeur gee om u ander kind ook by ons in te skryf.

Ons sal dit waardeer indien u ons skool by u familie, vriende en ander bekendes aanbeveel.

### **GESIGMASKERS**

As gevolg van die erge griep wat die rondte doen, mag leerlinge weer maskers skool toe dra as die ouers so voel. Ons wil ouers aanmoedig om materiaalmaskers met die skool se wapen op, teen R30 aan te koop. Die gewone maskers wat u in die winkel koop, hou eenvoudig nie en ons kan nie bekostig om gebreekte maskers te vervang nie. Deur twee lapmaskers aan te koop kan u die probleem van gebreekte maskers oorkom. Bestellings kan per e-pos na: [klere@lnpark.co.za](mailto:klere@lnpark.co.za) gestuur word indien u sou belangstel.



### **VERLORE GOEDERE**

Daar is geweldig baie ongemerkte, verlore goedere. Ouers moet asseblief gereeld alle klere, skoene, kosblikke, bottels en skryfbehoeftes duidelik merk. Verlore goedere kan per afspraak voor die skool se klerewinkel besigtig word. Alle items wat teen die einde van die kwartaal oorbly sal vir minder bevoorregtes geskenk word.

### **LAERSKOOI NEWTONPARK FACEBOOKBLAD**

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

### **SKOOLGELDE 2024**

Die volgende wyses van betaling is beskikbaar: **maandelikse debietorder** oor 10 of 11 maande. (Januarie/Februarie – November en is opbetaalbaar voor/op 30 November 2024. 'n Debietorder kan slegs op 'n tjek-/spaar-/transmissierekening ingestel word.) U mag ook die **skoolgelde EFT**. Ons beskik ook oor 'n **kaartmasjien** by die skool wat u kan gebruik.

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan [fin@lnpark.co.za](mailto:fin@lnpark.co.za) e-pos.

**Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar.** Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

### ELEKTRONIESE BETALINGS

Op die verwysing van die inbetaling moet u asseblief die rekeningnommer en u kind se van en naam verskaf. U moet ook die bewys van betaling per e-pos aan [fin@lnpark.co.za](mailto:fin@lnpark.co.za) stuur.

REKENINGNAAM	<b>LAERSKOOL NEWTONPARK</b>
BANK	<b>ABSA</b>
REKENINGNOMMER	<b>1400490089</b>
TAKKODE	<b>632005</b>

### GEDAGTE VIR DIE WEEK



Geniet die naweek saam met jul kinders.

SKOOLHOOF

E-pos: [skoolhoof@lnpark.co.za](mailto:skoolhoof@lnpark.co.za)

Tel : 0846935318

## ALGEMEEN

**BELANGRIKE DATUMS VIR VOLGENDE WEEK:**

Die volgende datums moet u asseblief op u kalender aanteken:

Ma – 3 Junie : Klerewinkel: **07:30 tot 12:00**  
**Spensie-pensie trekking in die saal**  
**Biblioteekboeke inhandig**

Di – 4 Junie	:	<b>Me. Jennifer-Ann Claassen verjaar</b> Senior Koor: <b>07:25 tot 08:00</b> Kuns graad 2 en 3 : <b>14:00 tot 15:15</b> Kuns graad 4 : <b>14:15 tot 15:30</b>
Wo – 5 Junie	:	Junior Koor : <b>07:30 tot 08:00</b> Klerewinkel: <b>12:00 tot 14:00</b>
Do – 6 Junie	:	Senior Koor: <b>07:25 tot 08:00</b> Kuns graad 5 tot 7 : <b>14:15 tot 15:30</b>
Vr – 7 Junie	:	Klerewinkel: <b>07:30 tot 12:00</b> Junior Koor : <b>07:30 tot 08:00</b>
Sa – 8 Junie	:	<b>LNP Bulletjies en Blommetjies sportdag + Bloedskenk</b>

## SPORT EN KULTUUR

### SOKKER

Op 26 Mei het Aaron Nortier (Gr. 5S) en Wian Floor (Gr. 4S) 'n uitstekende wedstryd vir die Callies Highlanders gespeel en 4 – 0 teen Priory Lynxes gewen. Hier onder is die informasie rakend hul spanposisie in die liga:

#### **PEFA Junior Logs (Port Elizabeth Football Association)**

- Die Callies Highlanders sowel as die Callies Barrons : 7de. Baie geluk, julle twee!

